

## ORDENANZA FISCAL Nº 14 REGULADORA DA TAXA POLA INMOBILIZACIÓN, RETIRADA E ALMACENAMENTO DE VEHÍCULOS

### ARTIGO 1. FUNDAMENTO E NATUREZA.

En uso das facultades concedidas polos artigos 133.2 e 142 da Constitución e polo artigo 106 da Lei 7/85, do 2 de abril, reguladora das bases do réxime local, e de conformidade co disposto nos artigos 15 a 19 do Real decreto lexislativo 2/2004, do 5 de marzo, polo que se aproba o texto refundido da Lei reguladora das facendas locais, o Concello da Coruña establece a Taxa por inmovilización, retirada e almacenamento de vehículos, a que se refire o artigo 20.4 z) do propio real decreto lexislativo, de acordo co previsto no texto articulado da Lei sobre tráfico, circulación de vehículos a motor e seguridade vial e cuxas normas atenden ao previsto no art. 57 do citado real decreto lexislativo.

### ARTIGO 2. FEITO IMPOÑIBLE E OBRIGA DE CONTRIBUÍR.

1. Constitúe o feito imponible da presente exacción a prestación do servizo de recepción obrigatoria de retirada, traslado e almacenaxe de vehículos que se encontrasen na vía pública e terreos adxacentes, así como a súa inmovilización.

A retirada, inmovilización, traslado e almacenaxe de vehículos producirase nos casos previstos na lexislación vixente e nos sinalados na regulamentación para corrección de infraccións na zona de regulación e ordenación de aparcadoiros, de acordo coas disposicións municipais que regulan este servizo.

2. A obriga de contribuír nacerá, e xerarse a taxa, no momento en que interveñan os axentes municipais co fin de retirar, trasladar ou inmovilizar os vehículos. Na modalidade de almacenaxe, xérase a taxa e nace a obriga de contribuír dende que o vehículo chega ao local destinado ao seu depósito.

### ARTIGO 3. OBRIGADO TRIBUTARIO.

1. Son obrigados tributarios, en concepto de contribuíntes, as persoas físicas ou xurídicas ou as entidades a que se refire o artigo 35.4 da L.X.T. que resulten afectadas pola prestación do servizo. A falta de proba en contra, entenderase que o afectado pola prestación do servizo é o titular que figure no permiso de circulación do vehículo.
2. Serán responsables subsidiarios os administradores das sociedades e os síndicos, interventores ou liquidadores de quebras, concursos e entidades en xeral, nos supostos e co alcance que sinala o artigo 43 da L.X.T.

### ARTIGO 4. BENEFICIOS FISCAIS.

Non serán aplicables beneficios fiscais, salvo os que poidan establecerse en normas con rango de lei e os derivados da aplicación de tratados internacionais.

### ARTIGO 5. BASE DE GRAVAME.

A cota tributaria determinarase por unha cantidade fixa determinada en función da natureza do servizo prestado.

### ARTIGO 6. TARIFAS.

Rexerán as seguintes tarifas:

|     |  |        |
|-----|--|--------|
| 1   | Retirada e traslado ao depósito, por cada vehículo:                              |        |
| 1.1 | Vehículos cuxo almacenamento derive dunha orde xudicial                          | 0,00   |
| 1.2 | Vehículos previamente denunciados por roubo                                      | 0,00   |
| 1.3 | Motocicletas, motocarros e vehículos análogos                                    | 25,46  |
| 1.4 | Turismos e furgonetas cun peso máximo, con carga de ata 1.100 Kg.                | 86,18  |
| 1.5 | Turismos e furgonetas de tonelaxe, con carga, superior a 1.100 Kg. ata 2.500 Kg. | 101,84 |
| 1.6 | Vehículos de tonelaxe, con carga, superior a 2.500 Kg., ata 4.500 Kg.            | 154,07 |

|       |   |        |
|-------|---|--------|
| 1.7   | Vehículos de tonelaxe, con carga, superior a 4.500 Kg., cun límite de 10.000 Kg.  | 785,98 |
| 1.8   | No caso de que non se produza o traslado do vehículo, por facerse cargo del o suxeito pasivo antes da saída do coche-grúa cara ao depósito, percibirase o 50% das tarifas anteriores. |        |
| 2     | Almacenaxe de vehículos, por unidade:   |        |
| 2.1   | Vehículos declarados residuos   | 0,00   |
| 2.2   | Vehículos cuxo almacenaxe derive dunha orde xudicial  | 0,00   |
| 2.3   | Vehículos previamente denunciados por roubo   | 0,00   |
| 2.4   | Almacenaxe de vehículos durante as 2 primeiras horas de estancia no depósito  | 0,00   |
| 2.5   | Almacenaxe de vehículos a partir de 2 horas de estancia no depósito, ata as 24 horas  |        |
| 2.5.1 | Motocicletas, motocarros e vehículos análogos, por hora   | 0,33   |
| 2.5.2 | Turismos e furgonetas cun peso máximo, con carga, de ata 1.100 Kg., por hora  | 0,57   |
| 2.5.3 | Turismos e furgonetas de tonelaxe, con carga, superior a 1.100 Kg. ata 2.500 Kg., por hora  | 1,16   |
| 2.5.4 | Vehículos de tonelaxe, con carga, superior a 2.500 Kg., ata 4.500 Kg., por hora   | 2,02   |
| 2.5.5 | Vehículos de tonelaxe, con carga, superior a 4.500 Kg., cun límite de 10.000 Kg., por hora  | 3,21   |
| 2.6   | Almacenaxe de vehículos por período superior a 24 horas, por unidade, día ou fracción   |        |
| 2.6.1 | Motocicletas, motocarros e vehículos análogos   | 9,19   |
| 2.6.2 | Turismos e furgonetas cun peso máximo, con carga, de ata 1.100 Kg.  | 15,59  |
| 2.6.3 | Turismos e furgonetas de tonelaxe, con carga, superior a 1.100 Kg. ata 2.500 Kg.  | 32,30  |
| 2.6.4 | Vehículos de tonelaxe, con carga, superior a 2.500 Kg., ata 4.500 Kg.   | 55,71  |
| 2.6.5 | Vehículos de tonelaxe, con carga, superior a 4.500 Kg., cun límite de 10.000 Kg.  | 89,13  |
| 2.7   | Almacenaxe de vehículos por período superior aos dous meses, por mes ou fracción:   |        |
| 2.7.1 | Motocicletas, motocarros e vehículos análogos   | 29,30  |
| 2.7.2 | Turismos e furgonetas cun peso máximo, con carga, de ata 1.100 Kg.  | 49,73  |
| 2.7.3 | Turismos e furgonetas de tonelaxe, con carga, superior a 1.100 Kg. ata 2.500 Kg.  | 103,00 |
| 2.7.4 | Vehículos de tonelaxe, con carga, superior a 2.500 Kg., ata 4.500 Kg.   | 177,66 |
| 2.7.5 | Vehículos de tonelaxe, con carga, superior a 4.500 Kg., cun límite de 10.000 Kg.  | 284,20 |
| 3     | Inmovilización de vehículos:  |        |
| 3.1   | Vehículos de todas clases, con tonelaxe ata 1.000 Kg.   | 45,69  |
| 3.2   | Vehículos de todas clases, con tonelaxe superior a 1.000 Kg. e inferior a 5.000 Kg.   | 63,97  |
| 3.3   | Vehículos de todas clases con tonelaxe superior a 5.000 Kg.   | 156,01 |

#### ARTIGO 7. NORMAS COMPLEMENTARIAS E DE XESTIÓN.

- Os dereitos e taxas desta ordenanza son esixibles e plenamente compatibles coas sancións que procedan de acordo coa Ordenanza municipal de circulación.

2. Trasladados os vehículos ao Depósito, a dependencia administrativa que corresponda ou o concesionario do servizo tramitarán a comunicación ao titular do vehículo para que, antes do último día hábil do mes seguinte a aquel en que reciba a comunicación, se faga cargo del e aboe o importe das taxas correspondentes cuxo importe terá que ser depositado no momento en que o titular ou a persoa interesada se presente a recoller o vehículo.
3. A saída de toda clase de vehículos almacenados no Depósito deberá ser autorizada por quen dispuxo o seu ingreso ou a persoa habilitada para iso e unicamente poderán ser entregados aos seus titulares ou persoas autorizadas, os cales nese momento liquidarán a taxa e ingresarán o importe resultante de acordo coa tarifa contida no art. 5, ou constituirán garantía suficiente. Noutro caso, non se autorizará a saída do vehículo do Depósito. Contra a liquidación poderán interpoñer os recursos que en dereito procedan.
4. De conformidade co previsto na Ordenanza xeral de xestión, encoméndase a xestión desta taxa á Área de Seguridade Cidadá (Sección de Circulación).
5. Inmobilización de vehículos. Cando se proceda a inmovilizar un vehículo mediante a utilización de cepos ou outros procedementos mecánicos similares para impedir o seu uso, os seus condutores ou propietarios solicitaranlles aos axentes municipais a retirada do mecanismo, para o que deberán ingresar o importe da cota prevista no artigo 5, e aplicaranse o resto das normas de xestión previstas nesta ordenanza.

#### ARTIGO 8. INFRACCIÓNS E SANCIÓN S TRIBUTARIAS.

En todo o relativo á cualificación das infraccións cometidas e á súa sanción, estarase ao disposto nos artigos 178 e seguintes da L.X.T. e na Ordenanza Xeral de Xestión.

#### DISPOSICIÓN FINAL.

A presente ordenanza fiscal, que consta de oito artigos, foi aprobada polo Pleno na sesión realizada o 28 de decembro de 2023, entrará en vigor o día 1 de xaneiro do 2024 e manterá a súa vixencia mentres non se acorde a súa modificación ou derogación.